



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1479. usque ad annum 1494

Fleury, Claude

August. Vind. [u.a.], 1768

VD18 90118340

§. 72. Comminæus ad sedandos tumultus in Sabaudiam decretus

[urn:nbn:de:hbz:466:1-66444](https://nbn-resolving.org/urn:nbn:de:hbz:466:1-66444)

que apparatus. Verbo, tot præfidijs, Sæcul. XV. A. C. 1481.
munimentisque firmabantur hæc castra, ut milites nil propius quam hostis aggressionem expectare crederentur, cum vero nonnulli Ludovico suggererent, tam numerosum exercitum ad bella paratum, atque in castris exercitatum Maximiliano, quocum tamen pacem firmare cogitaret, merito suspicionem injecturum, Rex horum consilio acquiescens, omnes hæc copias missas fecit, atque ipse Turonium reversus est.

§. LXXII.

Comminæus ad sedandos tumultus in Sabaudiam decretus.

Necdum iter suum perfecerat Rex, cum identidem morbo præpeditus apud Philippum Comminæum in Argentinensi arce solido mense hæerere compelleretur; inde vero Thoracium delatus eundem Comminæum cum Equitum agmine in Sabaudiam misit, ut dissidia componeret, quæ inter Camerensem Comitem Sabaudia Ducis Moderatorem, & juvenis hujus Principis Patruos suborta fuere: frequentes enim ad Regem deferebantur querelæ de violentiis, atque exactionibus, quibus Comes maximam suorum in se invidiam concitaverat. Hunc olim Ludovicus defun-
sta

Sæcul. XV. A.C. 1481. **G**rolee-luys
 eta Gubernatrice administratorem nominabat, Ducemque puerum Groleluysium instituendum tradebat. Porro Rex que-
 relis aures præbens, secretis literis Genevensi Episcopo Ducis Patruo in mandatis dedit, ut regni administrationem ipse in se suscipere, Groleluysius vero juvenem Principem in Delphinatum conducere. Verum Camerensis rem eductus, Ducem detinuit, ac in Sabaudia permanere compellit, ab eoque facultatem petiit, ut Groleluysium comprehendere posset, qua impetrata illum ad oppidum S. Joannis in Mauriana misit, custodiae dandum: postea habito militum defectu, copias in Pedemontium adversus Genevensem Episcopum duxit, Dactore Miolano, qui Vercellam obsidione cinxit. Præerat urbi Raconisius Dynastus, cujus plurimum intererat, ut hanc civitatem strenue propugnaret, eo quod illam jure pignoris ob quamdam pecuniæ summam Duci mutuo datam teneret.

§. LXXIII.

Comes Camerensis Sabaudice Gubernator jussu Regis captus.

Ludovicus ob Comitum audaciam iracundus, clam cum Bressiæ Comite Episcopi Genevensis fratre confilia contulit, eique jus auctoritatemque concessit.